



BOKED EURED



Lan  
ha

Dislan

N° 1

# BOKED EURED


(Ton savet e Lennon war-dro 1875  
ha kanet gant an Itron Toullec  
eus Keraez (Kerne))

Komzou dastumet gant  
**Albert TREVIDIC**


Ton dastumet gant  
**Polig MONJARRET**



Dont a ran da c'houlenn es-Kuz



di-ganeoc'h Kompagnunez, E- vit ma



Ka-nin ar bo-Ked, ma ve-femp holl asamblez.

## I

Dont a ran da c'houlenn eskuz, diganeoc'h Kompagnunez (1),  
Evit ma kanin ar Boked, ma vefemp holl asamblez (2).

## II

Mar plij ganeoc'h dont d'am selaou en enor da zaou zen yaouank  
Hag a vo eureujet hirio ouz taol sakr ar sakramant.

## III

Eiz deiz 'zo tremenet a-boan 'baoe oc'h « avertisset » (3)  
Evit dont tre, betek aman da gemer perz en eured.

## IV

Pa oa nav eur hanter o scn, ar wreg yaouank oa gwisket,  
Evit dont betek an iliz, evit beza eureujet.

## V

Ar paotr-enor, ar plac'h-enor 'oa eno e-kreiz an ti  
P'o devoe graet o c'hompliment (4) e voent prest d'o c'hondui (5).

## VI

Mot houman 'oa eur plac'hig fur, hag eur plac'hig savet mat,  
Ha 'deus astennet he fazioù evit mont betek he zad.

## VII

Dizrei a ra war-du he mamm pehini 'deus he ganet  
A zo bet e-riskl he buhez evit he lakaat er bed.

## VIII

Rei 'ra dezi he briata an dour en he daoulagad,  
« Petra dalv d'in-me skuilh daelou, pa renkan-me ho kuitaat.

## IX

Rak ma 'z oun *choajet* (6) gant Doue, evit *chanj* (7) *pozision* (8)  
O vont da guitaat va zud kaez, eo glac'haret va c'halon.

## X

Dont 'ran da *larout* (9) kenavo, maez eus ti va mamm, va zad  
Lec'h oun bet maget *dizoursi* (10) hag ivez bet savet-mat.

## XI

Plijout 'rae din va *liberte* (1), evit redek d'an dansou,  
Met breman 'renkin dilezel va holl *akoustumansou* (12).

## XII

Breman 'chomin gant va labour, dilezet an dansou-se  
Me a bedo an dud da vont, holl breman da di Doue. »

## XIII

Dre ar parkou hag ar prajou, e vez gwelet ar seblant ;  
An holl guitaefent o labour 'vit dont d'ho kwel 'plac'h yaouank.

## XIV

Rak hirio 'barz ar gêrig-man, e vo roet ar boked,  
D'ar verc'h hena eus an ti-man evit beza eureujet.

## XV

Heta a ran deoch ar yec'hed hag ivez *prosperite* (13)  
Chans vat deoc'h e-barz ho *menaj* (14) hag unvaniez ivez.

## XVI

Hag araok echui ar son, goulennit 'ta karantez  
Evit an daou zen yaouank-man, 'pad ar rest eus o buhez.

## XVII

Nemet pa zeuio ar maro, da lakaat fin d'ho puhe  
*Gloar* (15) ha *boneur* (16), chans hir-badus, e-pad an *eternite* (17).

---

(1) Va mignoned. — (2) A-gevret. — (3) Kemennet. — (4) Gourc'hemennou. — (5) Kas. — (6) Dibabet. — (7) Kemma. — (8) Renk. — (9) Lavarout. — (10) Dinec'h. — (11) Frankiz. — (12) Kustumou. — (13) Berz. — (14) Tiegez. — (15) Brud vat. — (16) Eürusted. — (17) Peurbadelez.

---